

七

錄

齋

詩

鈔

七錄齋詩鈔卷四

山陽阮葵生吾山

夏初過吳晴園寓齋和王萼亭韻

幾度旂亭送客歸依然蕭寺掩葭扉
疎簾每自攤碁局永晝裁宜試葛衣
夢裏不知鄉路遠尊前漸覺故人稀
饒君詩思索烟水我亦經年別釣磯

楊柳青

傍岸人家竹掩扉陌頭楊柳亂如絲
停帆何處尋秋色潮落寒塘颭酒旗

潞河舟中和袁二寶林

涼風動蓬背人似凍蠅癢搖落頻增感蒼茫獨咏
詩闕梁行處阻鄉信望中遙聞道河魚上遙牽故
國思

偶作漂萍駭征途爾我親尊前無白眼回首失紅
塵好句臨流讀交情勝酒醇清襟自如此才足邁
羣倫

滄州道中和吳山夫

搔首風前又一回鯨川南下片帆開鄉心已逐征
鴻遠曉夢頻驚西角催半載勾留歌刺促三秋牢
落賦歸未淮南此日饒鄉味紫鱗紅菱佐玉杯

柳城懷古

城上猶疑壓陣雲，功名長喟望諸君。
七雄未到成兼併，一矢徒誇善解紛。
竟使崎嶇悲末路，自將心跡表遺文。
荒寒雉堞空千古，悵望燕齊總夕曛。

秋來絕句

秋來木落雁南飛，漸覺涼生透袷衣。
却憶江鄉好風味，青菱初熟鱖初肥。

南池

秋老南池落葉稠，敗荷香裏俯寒流。
顏唐獨貫任城酒，潦倒真同杜老愁。
滾滾長河方圻岫，蕭蕭短

鬢又登樓十年重憶題詩處
隣笛淒涼感舊遊丑

歲與邊葦間張藻華
同遊今皆下世矣

太白酒樓

高樓一眺晚山青
此地曾聞聚酒星
我亦江南未
隸客到來宜醉不宜醒

南陽夜泊和南生

幾日驚波裡
心魂苦未平
扁舟浮木末
竟夕撼濤聲
孤枕難成寐
秋天不肯明星河
照蓬背
四望水天清

南陽好風景
夾岸住漁家
何日湖堰千村沸浪

花蓋頭無一把生計逐浮槎西望微山路茫茫未
有涯

病中間田仲吹吳南生王淵如劉炳恭有
鉢池山之遊

秋老霜風鳴慘、夏枯木楓葉綴小紅松花鬢古
綠丹臺弔遺踪邱壑尋仙躅僕病阻勝遊支筇步
庭曲諸公唱新詩賤子得快讀真氣沁心脾商聲
出茅屋良會惜不邁長歌更誰續九月早閉門終
朝吸茗粥數杯足頤神一卷聊遮目斗室任跣趺
匡床謝拘束亭亭滋露蘭落落傲霜菊坐對渾忘

言行吟差脫俗匪云當卧遊聊以娛幽獨

病起

病起扶藜出行經野寺旁晴臯一以眺秋色淡斜
陽淺水浮蘆汶寒雲俯雁行客懷太慘慄猶怯晚
風涼

讀秋颯倡和集懷吳山夫袁竇林

歸裝競說奚囊富一卷琳琅手自携却對新詩懷

舊雨大江南北浙東西

山夫竇林
客四明
歸宣城

自來名士感離憂踪跡分明斷梗浮我有遠心誰
共訴藥爐禪榻度清秋

金篤齋四十初度

菊黃萸紫香風吹平頭抱筒朝催詩拂拭硯匣磨
諭糜作歌紛寫難老詞人生適意他何知百城南
西撤吟髭左右經史圍臯比生徒濟濟羅絳帷春
韞鞠毳歌接羅為壽起舞舞瀏灘八十之年行過
半等身著述方不貲十年長者凡事之况君儒雅
稱吾師師子索句勿迫促合傾家醞澆詩脾斗酒
為君安足辭

雜詩

西北有高樓當窻拂蒲柳涼風起天末蕭蕭感少

婦時物有苑枯顏色異妍醜衣裳不復新蘭茝香
已朽欲以貽所思芬芳復何有年時寶如珍今日
棄如帚委佩倚雕楹含愁成疾首

中庭植芳樹華葉輝晴旭春雨滋深根簷檻蔭新
綠青楊陽旦夕徂飄蒂隨轉燭魯陽戈莫回虞淵駒
逝速新歡若不暢故人傷局促少壯但須臾莫恃

顏如玉

李下可整冠瓜田亦納履此心苟無他胡為拘尺
足達哉阮步兵醉卧胡姬市避嫌嫌益深執節節
亦鄙生人自有真形迹徒為耳

耕夫恒苦寒織婦恒苦飢飢寒亦大矣衣食寧云
微以力事他人力盡心已非嗟彼五陵客不辨粟
與絲面圍解食肉裘馬誇輕肥

之子服狐貉耻與羔裘伍惡衣詎足耻相去况幾
許陋巷有緼袍誰為解縞紵朔雪苦凌兢陰寒僵
髀收嚴冬倏亦逝條風扇春煦丈夫會有時斗酒
足起舞

東隣栽桃李西隣栽荆棘春來風日暄一一侵巷
陌桃李敷芳華成蹊蔭行客荆棘苦蔓延往往刺
要襟擇術苟或踈旁觀嗟偏側感彼種園人吾為

三太息

東海有鴻鵠羞與燕雀齒朝飛紫塞雲暮宿衡湘
泣不屑稻梁謀只為圖南爾一朝櫻網羅跼蹐樊
籠裏攪身愁觸忤秋風飢欲死睽彼雲中鳥翱翔
足自喜何時舒健翮一舉九萬里

與金紫峯檢討話舊

拜疏金門捧玉函便將綵服換朝衫君恩暫許離
芸署春水才能送錦帆兩袖香烟懷紫蘂一囊詩
調譜英咸歸來重訪淮南客話到蓬山總隔凡
十載賢門荷挈授少時文戰逞霜蹄傳衣每幸依

和相折東逢人薦孔珪世路頻年遭嚇鼠生涯至
竟等醢雞寸心欲報成灰燼姓字羞從紙背題
僦居同傍帝城閭說項重叨臭味親風雅君真成
太史飄零我尚作勞人慚非鳳羽應憂鍛剝有龍
心未肯馴回首去年總愁絕懶從難骨更占神

春城花柳遶旌護累日文談坐曲江燕子黃鸝鳴
水閣鼠姑紅葯映山憲節當首夏天方永詩對宗
工氣已降多少別懷疇與訴周遮吟罷笑無腔

庭際葡萄復生

乞得宛人種婆婆弱不勝濯根資宿雨挿竹引新

藤蔭綠將流露充盤擬嚼冰涼州非所貴十斛願
秋登

淵如小疾詩以代訊

葦葉吟秋百感生
懷人夢醒雨初晴
劇憐病是君
家物何苦詩爭世
上名雪碗冰甌人
蘊藉藥鑿茶
憲客逢迎幾時禪
榻人初起卜日還
尋菊社盟

秋日同程晴嵐過菽莊

秋來苦不知畏熱
何處避一棹泛城
西乃得此平
遠曠舟蘆中門飛
躡松邊棹烟梢叢
蔭垂水曲亂
荷偃相携過危橋
橋滑綠楊踈芙蓉
如美人隔溪

何婉婉推憲坐水亭搗衣上絕歟脫帽縱清談
乘涼渾忘返遑念弄篙兒誦誦獨恨晚

古松

一訪支離叟如逢古逸民
濤聲落天際翠雨濕龍鱗
幾歷升沉劫長留偃蹇身
花房競紅紫誰識歲寒真

戲咏暖盃鍋

消寒底用買冰盤小鼎盛來一座歡
吾輩便添文字飲旁人莫笑腐儒餐
三條燭炮心猶暖百沸湯
温手不寒我本不因人
熱者呼童獨自劑醎酸

玉糝金釐膾素庖尊前任爾縱貪饕借將圓扇吹
嗟力不費香厨炙熅勞每向圓爐分獸炭漫誇金
帳試羊羔與君更訂尋梅約分付家僮踏雪挑
一笑居然鼎食時何須龍勺與雞彝咄嗟立向尊
前辨風味偏於歲晚宜伴我行厨携自便笑他蠻
榼製非竒當筵已任千鍾盡何用重斟暖玉卮
偶因內外判方圓小物居然象地天耐久最宜消
永夜辟寒好與送殘年熱腸似我猶堪飽枵腹從
他得暫便莫為煎熬愁炙手蓋頭一盞淪春泉

為顧萬峯題照

生銷一幅藹香芸
卷裏松烟滿若雲
曲水茂林王內史
金潭碧障李將軍
衣衫離俗塵
難浣邛壑經年
夢特勤便欲就
君謀小築人生也
合老鋤芸

將有濟南之遊
頻行過薛大敬伯
以載寒

雜詩見示
征途即事
遂用其韻

息軫方十旬
歲晚還飢驅
披裘衝寒颺
豈伊懷壯圖
昨宵飛膝六
九天落唾珠
欣聞田咳喜
敢復愁載塗
不惜道里艱
所嗟日月除
何人坐暖閣
擁爐賦閒居

解鞍大河岸
凜凜飄朔風
水輪從西來
滾滾撐高

空研萬雷鼓，聒耳驚冬烘。桴舟截流渡，人馬蹴
船中。勢排地軸轉，冰山欲奔崩。到岸已魄悸，流汗
忘嚴冬。

昨日駐河上，風雪迎面寒。朝來見皎日，雪化沾行
鞍。裝輪限泥濘，驄子無歡顏。促客下車走，僕夫發
長嘆。須臾起轉轂，執轡猶未安。前途阻大澤，馬足
况蹒跚。

蠲除詔已頒，未飽太倉味。衽席誰為登，金錢空勞
費。徹耳聞吟呻，傷心異繁吹。寄語搯刀人，炎火慎
勿熾。我賤何足道，羣兒自相貴。西風起暮塵，掩扇

障吾鼻

紆途之厚卹極目雪花捲沫流澌寒冰不見水清
淺故人知我來笑把吟髭撚入室叙離悰歡顏忘
愜寒風景逼小除爭看花勝剪信有村居樂對茲
愁已遣一尊話疇昔羲農風未遠

驅車馬陵山策蹇漫沂水閣閣有起色似非江南
比溝塍被青草榆柳帶菌耳牛羊歸隴頭雞犬鳴
村裡具言秋潦時窮簷驚卧起且喜冬雪佳麥甲
待含葢我自淮東來愛茲風景美

絡繹擯黃帕十里人一換尚衣貢翠雲春來識時

變我馬避道旁俯首聊獨歎誰憐車中人破裘空
戀戀

行過郊子國蘭山青作堆雪後快新霽暫得佳懷
開何當支短策拾級山之厓一尊盡村醞悠然夢
無懷

遊泉林

一騎衝寒出言尋陪尾山寺沒深樹隱峰引亂藤
攀路曲僧寮遠村空鳥夢閑涓涓亭下水今古一
潺湲

西望幽泉勝偏宜靜禪聽晴天喧瀑雨白日走雷

靈波濺苔痕綠溪分石氣青山川多幻跡到處識
精靈

讀鉛山集

翰林才調最縱橫一曲清歌誤平生不向隣家偷
格律居然一代擅歌行

江南曾見一帆過八十吟詩兩鬢皤畢竟風人貴
忠厚談龍終費墨痕多

已未秋日謁先生於袁浦舟次

同劉詠菴過施竹虛小草山房次潘退谷

韻

斜日寒林影易西訪君初著鹿皮衣霜凝竹筵三

冬冷客自瑤江萬里歸化蝶久諳莊叟夢盟鷗真
息漢翁機小棲竟日無人迹情話經時閣榭扉

黃河夜泊

孤篷落河口身逐雁行飛水涸漁燈聚城荒酒市
稀驚濤翻岸急殘月照憲微竟夕難成寐停杯未
解衣

鍾吾舟中見運柳者感賦

魚沫年年抱杞憂寧焚截竹遍汀洲壁沉不厭蛟
龍怒林盡還深鳥雀愁此日薪芻艱澤國何時杭
稻熟平疇牙檣隊隊勞飛挽底向風前賦遠遊

次鍾吾閣下作

大河西去亂帆飛，夾岸人家苦竹籬。
儘有魚蝦沽小市，更無鶩鴨遶荒陂。
人言瘠土春偏少，客到花時路又岐。
倚棹重閑待明發，皂囊羞澀不須疑。

梁王城

城上風來水氣寒，萬家烟火盡沉湮。
空聞幕府三籌策，誰是河陽一輩人。
流水涓涓遲到海，夕陽淡淡不成春。
行人泪墮新河路，曾費君王十萬緡。
春日下邳見掘水草者

艾嶺田荒落照孤，東風吹水漲平蕪。
農家猶未知

春及薄暮提筐摘筍蒲

臺庄喜晴

暖風吹處雨雲開
晴日還暉野岸梅
千里好春容
緹襪一身如寄且
啣杯層層帆影雲中出
滾滾湖波樹杪來
聞道宣防沉玉馬
墮林棧石盡堪哀

讀友人論里間詩君子詩存

邱氏有家學宗法馮與劉吐屬愛涓潔標格清以

幽逸響陋噍殺秀色敷芳柔碧月霏秋嶠青條冒

春疇風流信嘉尚才力嗟未邁蘭苔集翡翠誰掣

鯨魚遊

邱氏三世有詩名學博養疾園居三十載不踰戶限清言緒論饒晉人風近體詩卷

容韶秀詩中晚唐人遺意先
山公益漬劉水心館於家園倡
頤其規則詩氣體殊平水心
習然山公詩氣體殊平水心
汎破委弱於古人尚未辨方
十年來門徒墨守其師說不
辨有不可解者學博弗天峯
師與當時賢豪遊頗能不局
未竟其才旋以改官出此第便
廢惜哉

吳學博山夫

山夫亦健者氣祖言語大俎豆
杜與韓堂堂陋寒
餓排莽驅風霆拉襍汚涕唾一
字吟不休百戰氣

不對老去筆已秃猶能壓羣座
悠悠第笛耳此調

若為和山夫於書無不讀考
精嚴能於無字句

國朝以來淮人考振家推關百
詩六書之學推張
力匡山夫供能嗣其響為詩硬
語盤空有性情有

卷軸如幽燕老將氣韻沉雄樂申山臺一粟孔
氣然律詩多有失之逼硬者所著有金石文存正
字通行山陽志遺奇皆卓然可傳又別雅一種已
錫行世秦味經司寇纂五禮通考皆山夫為之校
正司寇嘗語人云吾來京
師得三異人山夫其一也

任徵君東礪

俗學誇冥搜
調言累空腹
佼佼任公子
撐腸數萬
軸憫時歌慨
慷論古輒往
復匪以作詩
人孤吟亦
駭俗霸才惜
無主之子好
奇服風骨良
自殊曷問
瘳與瘵微君好讀書博觀典籍留心經世大務不
述符身蓄卷之味醉於面盜於背也然其學博而
多倫其論世也好奇為文詳洋鏗鏗數千言可立
就詩不名一家動與古會瑜不掩瑕微而不掩瑜其
完善者不愧古作手當一被鴻博之微而不就

誠不為世俗
之學者矣

吳明經南生

擁鼻愛謠咏風流令代無西崑有遺響疊疊文質
俱旖旎秀歲蕤清鏘協笙竽翠嶽夕霞綺春風寒
谷瘧嫁衣終為人篇什傳鴻都誰知罵坐客文筆
偏婉愉南生吳巨而赤同社友作赤賦諱之南
宗伯爭延致多禮貌在諸名士上凡錦閣一語不
進御諸製如意輒怒詈技才袂掉臂以出百折不可回以故終
無所遇合也詩才袂掉臂以出百折不可回以故終
諒下至咏物武侯於宋人極毀歐九道學諸公
於三國人專武侯於宋人極毀歐九道學諸公
無不痛晉之道者落落也
年而同志合道者落落也

七錄齋詩鈔卷五

山陽阮葵生吾山

道旁石棺

漕艘避河險北行通沕溝鑿石斷地脉煉山驅潛
蚪往往得寶怪大谷攷琅球古墓開石函犁鋤恣
躡踪至今遺破擲嵯峨森道周感彼擲中人生前
紫菟裘欲為萬年計桐梓無千秋乞彼巨靈斧斷
彼青峯頭飾以荆川壁嵌以華陽鏗一朝大槩成
快從司馬遊桓山亦在徐郡昇之高山顛厝之重泉幽上
無鳥鷲害下無螻螻憂感彼擲中人豈不善為謀

百七 卷之五
誰知異代後枯骨投洪流人生不朽三軀壳同浮
漚彭殤猶妄作違問躅與躑連哉劉參軍荷鍾埋
槽邱

舟中值生辰

萍合蓬漂盡偶然打包重上大河舡飢來驅我原
非病壯不如人正可憐奔走年年消歲月湖山處
處入詩篇低頭怕舉傷春目日暮風來水拍天

夏村

估颿四望徹雲衢大澤嵐深大野濶屋瓦羅羅新
雨後泉刀攘攘上燈初撐舡入市聽談虎泛宅浮

家者打魚獨立蒼茫成短咏西風渺渺正愁予

渡昭陽湖

蹤跡誰憐似轉蓬問津忽到泗亭東春潮湧雪連
城白晴日啣山射水紅破曉來風流活活當年行
野麥芄芄舟人指點湖邊寺不見樓臺烟雨中

登沛邑城樓

芒碭雲空大漠荒憑高愁思正茫茫滄桑頻歲憂
禾黍歌舞當年有帝王水落城頭春草綠風高樓
上夕陽黃郊原無復豚蹄祝穀賤傷農正不妨

踟躕搔首客愁添野老吞報嘆已三二月湖波迷

岸草萬家烟竈化溪嵐傷春惜別俱無賴
弔古憂時搃不堪
睥睨欲窮千里目
風前短髮已_正參_參

衙齋題壁

舍南舍北水漫漫一把茅遮勝井幹却好兩三人
共坐憑欄直作野航看

春夜聞雁懷謝階杭州

殘雨暗春星鴻聲入杳冥一行何處至應過客兒
亭

沛城春興

射圃新開地十弓手誅蓬蔚隱牆東可憐芳草迷

離碧不見桃花匝紅一徑荒齋吟賈島數間破
屋住廬仝等閒便遣青皇去孤負芳時廿四風
東來泗水漾晴瀾四面碧城浸碧連弔古幾番悲
楚漢箋經何敢問丁田春來細雨添新漲人倚東
風隔遠天日暮嶧山嵐氣重鄉闕回首亂雲邊
葦林茶竈稱幽栖風月何妨任品題放浪生涯隨
雁鷺銷磨豪氣失虹蜺搔頭已信天難問隱几方
知物可齊一卷自吟還自賞篋中冰雪正堪携
虎落荒涼夕照斜春光久已爛天涯看朱成碧思
前度念綠啼紅又幾家廬橘本來宜夏熟芙蓉未

必讓春華細推物理俱如此獨倚闌干玩落霞
觀鷓鴣打魚成味

春堤一夜雨綠漲盈前溪漁舟兩兩出篙邊立鷓
鴣鷓鴣露瘦骨長喙銛毛錐瑩瑩沒眼碧頸潤纏
朱絲一聲聞潑刺跋浪如風馳潛鱗驚失次愁磔
尾與鬚大者攫鱸鱒小者窮鯢鯢啣魚上竹竿一
一吐盤_四匝翻身重入水盡日無休時夕陽照蓮背
漁人打槳歸繫纜曲港曲呼兒治晚炊瓦盆注村
醞銀刀剖香鯉鷓鴣戩沒翼日暮猶飢啼

清明日荆簷南招同荆檜堂王若夫步遊

郭外因泛舟湖上分韻得南村二字

佳時步履過城南飛絮飛絲蘸碧潭傍水人家潮
漸長賣餠天氣霽初酣山樓粉堞迎朝爽清葦疎
簾泛夕嵐莫唱青烟與紅蠟自揮吟塵助清談

輕舟滿載碧磁尊渡口溪流漲蘚痕吾輩清遊宜
雅集主人愛客恕狂言藏烟待乞新榆火貰酒難
尋古杏村日暮荒洲聞野哭春來多少未招魂

徐州古豐縣朱陳村有杏花一百
二十里因名杏花村舊址屬沛

歌風臺懷古

赤炎騰、素靈哭五年提劍坐黃屋威加海內歸

故鄉椎牛張飲謹相逐相逐還呼舊酒徒李也言
大令何如追談往事雜悲喜殺聲慷慨還歎歎妙
選兒童遍閭巷平生酒色稱豪放頭戴竹皮手擊
筑猶是當年無賴狀嗚呼興盡兮悲來從龍之臣
安在哉風起雲飛思猛士泣教行下愴中懷酒酣
諸父盡前席謹留十日又三日戚里咸沾湯沐恩
粉榆萬歲戀魂魄魂魄茫、幾度秋斲碑零落卧
荒邱祇今芒碭無雲氣泗水滔滔日夜流

讀元人詩各賦絕句

中原風雅中興年地老天荒泪暗潜獨向孤亭存

野史堂一代表遺山 元好問裕之

容城詩集編丁亥筆力雕鍊山水愁自榜靜修比
諸葛雷溪獨自枕寒流 劉因夢吉

耶律天才擅雅宗髯翁呼後感遭逢湛然一卷從
誰定老去逃禪友萬松 耶律楚材晉卿

畫筆詩才擅一門風流絕代趙王孫鷗波亭外
翻水猶有當時舊泪痕 趙孟頫子昂

延祐初元風雅盛四家詩格有遺音漢廷老吏吾
何讓得失分明在寸心 虞集伯生

楊子臨文有奇氣飛揚跋扈勇無前暮年第一緣

何事却住山中四十年

楊載仲宏

人品高賢擬東漢詩情舒卷類秋雲
人間簪冕何堪戀晚歲心懸愛日殷

范梈亨父

美女簪花妙品評文安何事拂衣行
淋漓大筆誇三史怪底尊前氣不平

揭傒斯曼碩

天錫才華清且竒雁門風調擅探駟
肩隨四子無慚色可惜工吟艷體詩

薩都刺天錫

海粟山人善賞音翠寒一卷寄情深
更憐病骨騎鯨背萬里驚濤獨苦吟

宋元子虛

江南三絕一時來驟騎何如第五才
便欲因君懷

郭隗知音誰為築金臺

延賢考之

鹿皮歸隱足音遐
園谷中間偶作家
最是北山題
咏好篇中語、帶烟霞

陳樵居米

硬語盤空氣特殊
辨香瑞合自髯蘇
茫、古調誰
欣賞滄海橫流仗一壺
吳萊立夫

還山得遂白衣名
獨向嚴陵江上行
巾角舞酣三
弄笛卷中猶聽鐵錚、楊維禎蕙夫

老迂愛潔真成癖
避俗如仇亦可人
詩筆蕭疎畧
相似藐姑仙子是前身
倪瓚元鎮

河清一頌苦知名
避地吳淞海氣青
自築梧溪小

精舍聊蕭席帽老園丁

王逢源吉

湖光山色聚風騷
水木清華結搆勞
僧帽儒衣任埋骨
画舫不載小蟠桃

頌瑛仲瑛

淋漓豪氣語懸河
玉筍編中樂府多
可惜雄心消不得
新詞聊付雪兒歌

張憲思廉

手画龍門氣鬱盤
松風高韵託黃冠
元都不是人間世
試咏篇中鬼胆寒

馬臻志道

句曲詞人張外史
一時遊屐盡高賢
等閒占得三茅洞
始信壺中別有天

張雨伯雨

渡水

去

夕日墮城西紛紛競官渡牧兒隴外歸牛背過溪

白洋河史閣部駐師處

寒濤嗚咽似含悲，大廈終難一木支。
北渡樓船聞擊楫，南朝歌舞徒尚彈絲。
淒涼幕府紆籌策，縹緲素孤臣。
獨視師終古未消魚腹恨，百年家祭更無兒。

試茗

細聽風簾響，微看蠟眼生。
碧沈烹綠雪，隱几玩旂槍。

嫩撥頭綱餅，輕浮玉蕊尖。
詩人偏好事，何苦著薑鹽。

寄吳南生

秋風江上共題詩，尊酒圍棋彼一時。
歸去渾如駒局促，春來依舊燕參差。
瘦腰每善文人病，擁鼻耽吟幼婦詞。
況有高柔工織錦，茂陵春對遠山眉。南生

娶于潘工宋詩

獨向花時中酒眠，一城風絮賣餚天。
家山迢遞遙相憶，人海支離各自憐。
莫遣風懷消蠹簡，好憑春水託魚箋。
煩君寄訊東坡叟，三絕殘碑費討論。謂

兄山夫鳳陽郡志舊有三絕碑曹鍾繇篆也山夫精金石文字今除鳳陽學博書

咏白丁香

一集卷之金
褪盡脂痕並粉痕素娥珠泪墮絲、橫陳玉體渾
如雪碎剪冰綃欲化雲憺對儘堪消綺思白描難
得寫幽芬春風不解相思結繡被何勞憶鄂君

野寺

鈴
池水無情碧苔痕着意青寺門無剝啄墻角語風

西
滿耳松濤響時聞野鳥啼老僧歸渡水獨棹夕陽

為鄭楫亭題秋柳画册

殘絲無力蘸寒流露浥烟籠盡是愁雲外更添涼

雁影數行零亂不禁秋

咏塵

寶山無處覓靈犀十丈爭他拂面吹
舊句漫勞紅袖拭新愁應感素衣緇
西風昨夜吹方急東海頻年變可知
自倚匡床看鼠跡貧家長任甑中炊

鵓鵲行

數有不可假物廼知天者去年鵓鵲啼
道上水平
臍今年鵓鵲啼井底無青泥
久雨望汝一呼晴蓋
屋陰愁雲生久旱望汝一呼雨
炎精燦燦流焦
土嗟或爾陰晴任爾呼
曷不逐婦秋來蘇
分明天意

固如此區、假物鳴焉尔相逢汲水經山河鵝鵝
鵝鵝奈尔何

望雨

泗上本津國湖村錯溝畝頻歲苦波目為魚幾不
免今春無雨澤湖流漸清淺乍喜洲渚獻旋憂中
谷曠入夏嗟蘊隆地圻如巨竅池中泣枯魚村外
走狂犬不聞逐婦啼但見老牛喘天高聽自早陰
陽何其沴

施生本一德人民育五穀種豆、離、蕝未、穢
穢旱魃尔何物千里成焦燬造物詎不仁毋延人

不福二月雷無聲三月雨無霖四月溪水乾涓滴
勝珠玉五月旱既甚蟲、逼三伏炎精暴高穹火
雲炙茅屋祝融肆其虐趙盾助之酷司巫空焚壇
泥龍訝封瀆誰為衆林禱誰為僖公祝已空野人
箱盡滅官家粟枯草偃溝涂更聽漢家哭已矣無
遺種水虫三百六

五月泛舟

午熏披拂動簾鉤蒲醕盈尊勸未休
沒屐忽從湖上過一帆如在鏡中遊
飄、水帶風亭柳爛、霞烘露井榴

黃孝存詩風亭燕引五却憶江鄉烟水
六子露井榴開三四花

窟玉簫檀板木蘭舟

夏日雜詩

陶、朱夏時陽精嚴圓穹郊原鏤金石蘊隆蔚林
叢遙看雲岫吐層、列窻中端居愛長日披襟當
北風高歌咏榮木推遷感深哀

蟲、氣方熾新綠環叢柯亭午覆深蔭微風吹纖
羅征途多暍夫柳下時停車仰睹片雲黑雨中舞
衙、豈惟行李潤清涼油萬家

曉起吸斐屨殘月留虛堂中庭一庭竹乘茲夜氣
涼微步出荆落覓逕臨方塘輕颺動萍末冷露滋

蓮房不惜衣袂濕有時聞妙香少焉裁輪轉煌、
昇東壻

煩衿不可滌感此宵漏稀竹榻展涼簟仰看珠斗
移蝨股競繁響螢光搖夕輝逼人苦白鳥腕脫揮
蒲葵安得紫龍髯對月長自携

懷抱苦不舒命侶遵河曲匪以尋林亭聊用避炎
熇遠渚盡清蒲小園秀翠竹水面涼風來鼻觀賒
芳馥恨無十日醉坐被人事束誰家泛銀塘碧筒
飲醞醖

午睡

新州笛材八尺強中含風漪
夢簟管有時攤飯橫
一榻榻推枕遊清涼
起來林影方卓午
新蟬一聲落高樹
眼前不少義與皇
北牖之下誰是主

彭城咏古

懷古無因問大彭
興亡百代感何窮
地連西楚風猶悍
天瀉黃河勢最雄
城上荒涼殘照紫
雲邊合沓亂山紅
秦皇枉斷金陵脉
王氣還留芒碭中
屋上龍交事可嗟
平生語大信非誇
五年竟逐秦人鹿
三尺先除白帝蛇
市上屠沽皆將種
山東子弟盡侯家
當年酒負虧隣媪
湯沐恩先戚里加

獨携拄杖立荒臺如此還鄉亦壯哉大澤已無天
子氣悲風猶起故鄉哀祇今魂魄依原廟終古河
山想霸才二十四陵俱泯滅一坏猶傍古城隈
白旄黃屋不言尊苦憶粉榆舊里民父老競來攀
御座帝王難得是詩人推牛晏罷謹猶昔擊筑歌
闌泪滿巾妙選兒童一百二醉遊十日尚逡巡
戲馬雄姿自有真泛來成敗不堪論耽、危郭雲
如蓋葉、荒臺草似茵七十戰成談咲裡八千兵
散亂江濱美人伏劍名雖逝一咲頭顱贈故人
穀城山下莽荒邱帷幄當年費運籌滅項終能安

漢祚夷秦只為報韓仇白駒有託完高尚黃石無
踪感藉遊廟像至今如好女松衫蕭瑟冷清秋

擣藥兒童野哭囂寄奴王者美金鏹床移御座威
方熾酒勸長星運已銷投袂居然光舊物築臺終
使換前朝還思東府呼盧日一擲金甌竟得梟

諸劉家世本鳴珂文藻山川兩不磨簪紱累朝承
帝胄雕華羣季擅英多風流一代推西第遺憾千
秋感曲阿七十人中誰第一六詩三筆妙懸河

金虎挺穴國已墟礪山狂寇犯宮車當時作惡橫
鄉土何事衝鋒陷里閭泪落宮門悲凍雀尸橫白

馬塋河魚生兒那得如豚犬頭血終教濺玉除
鉅鹿渾波萬里流澶淵遺事感千秋狂瀾不遣孤
墉漏先事方知孽盡周古木浮槎歸版築羽衣吹
笛傲滄洲太虛一賦傳勞績吟罷濤聲撼郡樓

晚過僧寺

大暑日蓬頭閉門絕迎迓傍晚踏涼鞵信步入精
舍老僧靜者流危坐神何暇相對長明燈偶作無
生話簷鈴定不語庭花自低亞月影隨經函光射
林陰罽簾際度輕颺清涼忘九夏

湖上

田田蓮葉抱湖亭，散髮人來倚曲櫺。
被徑不鋤秋草綠，壓城長對遠峯青。
花前雨過香堪拾，水面風來酒易醒。
那得豪情似河朔，客懷空自渺滄溟。

沛城晚眺

孤雲不動雁聲哀，莽莽平沙落照回。
水國魚龍翻巨壑，山城烟火雜昏埃。
土花淡淡秦皇井，秋草離離漢帝臺。
獨立晚風悲往事，霸圖帝業捻飛灰。

城北古寺

野徑濕微雨，層嵐歷遠山。
偶然携拄杖，暫得叩禪關。
流水去何疾，白雲相對閒。
小叅聞梵唄，坐久不

知還

寄同硯諸知己

西風高館惜離羣，索處頻傷過未聞。
四國交遊分作客，十年風雨憶論文。
劇憐聚散如秋蒂，別有心情感暮雲。
一卷新詩渾漫與，掃除煩惱待諸君。

答友人

方書肇矣農未嘗，道到股錯見魏唐。
編儒者每不取吾嘗，溯厥初茲事蓋已古。
不聞介山中龍蛇怨，淒苦世哀真愛薄。
奇節出閨戶，愚婦誠何知。至性鬱肺腑，剔肌奉天。載籍曠未睹，人生重一毛。肝

入集卷金
胆越與楚皎日堅誓盟久、棄如土炭、昌黎論
胡為慎所許為呼小宋公重訂鄆人語

得紫坪手書

聞說錢塘八月秋遠心一夜透汀洲十年舊約西
冷夢喻尔真為汗漫遊

題陸丈竹民對鏡詩後

霜華點、照分明已信無情勝有情我亦春秋同
騎省病餘深感二毛生

浚開

河流動寒色一曲斗門開水勢奔強弩灘聲殷怒

雷漫言飛挽易曾告陸沉災東望長淮口雲颿片
片來

燕子樓

繁華消盡感颿塵月冷霜清十載身黃土豈無理
玉地平生心薄墜樓人

郭外泛舟

湖上涼初度輕颿帶雨過危橋斷虹影殘柳蘸秋
波烟重藏漁艇蘆深起棹歌無心是鷗鳥飛傍画
船多

秋夜懷荆蔭南

雨過月華明秋雲壓画城懷人停酒玳隱几聽
聲舊侶無多在新愁轉欲生為憐行役苦何日俟

河清

蔭南方監
築河隄

七錄齋詩鈔卷六

山陽阮葵生吾山

秋日禱興用秋懷十首韻

西風禾黍肥溝塍望蒺藜
踈柳帶高原涼蟬鳴不
已隔隴刈稻聲風過清人耳老農三五人廣塲時
卧起回憶昨秋風景殊不似河伯幸安流長堤
良足恃牛羊散村落洲渚猷塗軌生聚有起色經
過吾亦喜

頻年苦河溢守臣日憂悴當其泛濫時波濤起平
地徐泗千里間茫、任奔恣今年得天時雨暘無

戾異西望荆山河人謀豈不貴

沮如遺魚苗水涸形孔曼蠕、動腥風不堪佐餐
飯幾日化為蝗隱傷田父願童叟競奔踏詎待長
官勅終苦手足勞勢不敵千萬猶幸秋風早禾黍
已登猷菽蔘方在田老農尚嗟怨

秋蝗漸孕子草際爭騰凌初出小如蟻倏已大於
蠅漸至十八日跳躍彌可憎藏身依密葦聚族堆
高稜有時蔽天去孰施網與罟一紙報飛蝗黠吏
爾何能

浙、商颺鳴娟、寒露警雲淡月華孤漸覺涼夜

承身世感於孺烈士悲秋猛歲月逝如流清泪墜
如綆脩名苦未立清時甘幽屏

枯坐讀黃庭內視昧三景瘡鬼苦泥人久卧覺寤
罔終日支藥錯矧復感漂梗有時下床走扶杖戒
馳騁簾外好秋光孤負園鳥請

病起手一編小字照寤暗掩卷若無睹平生抱深
憾束髮事詩書寘突每偷暇誰將聰明鞭那得嗜
好淡搖筆學為文迷津苦瀏濫朝華夕已萎詎可
閱常暫譬彼航海者中流斷鎖纜平生重師友誰
與叢點勘世有揚子雲載酒願盈甌

七集卷八
同學多不賤故人乘華軒或在青雲上簪毫誇記
言或出典州郡異績空襄前秋江寄沒鯉一一云
加飡感彼故人意太息燕殘編升沉本無定縱眼
觀大千欲報乏瑤玖望遠潛悲酸涼風起天未佳
時耽醉眠二毛點鬢髻已是駢省年

一月不飲酒輒苦舌本乾秋月指玉衡孤負先蘭

玕

細黃庭

空庭布爐火綠葉煎龍團佳如噉蔗境

夢不知槐安仰睹星潢移銀漢波漫瀾逝者抑何
速走坂如銅丸勞生苦不息吾行駑蹄鞍

征雁橫空至雲外聞秋聲呼羣萬餘里素羽蔭霜

明豈不避繒繳隨陽心終誠人生處逆旅兢一如
奉盈結念屬霄漢寧復忤心兵譬彼劍鳴匣亦似
木向荣九萬不可期雌伏嗟誰令

朝來攬明鏡朱顏豈不好顧無食肉相所嗟華髮
早鬚眉森似戟猶足傲傭保誰云臺閣豈必山
林稿人生自有真區、豈足道

鬚生戲成二絕

十年無計種髯奴少許還應勝絕無便拭青銅忙
布置等閑消却睡工夫

語林見

幾番顧影認令吾如此差堪表丈夫他日樵髭吟

五字可能人道是拱湏

寄曹慕堂

白露下京國蕭然木葉稀
仙人照藜火侍女護朝衣
舊句瑤華贈清言玉屑霏
故人若相憶杖屨正南飛

自飛雲橋泛舟至歌風臺吟眺竟夕過天
齊寺而歸水月搖光林木震響客有
吹笛者聲過秋雲予曰是不減坡公百步
洪之遊只推少一參寥師耳豈止三百年無
此樂哉踏月作歌遂用蘇韵

秋星作、風捲波布帆六幅飛如梭水光月色爛
四照有若奩鏡瑩新磨長虹蜿蜒卧橫浦高臺峻
嶻撐層坡參差瘦影拂殘柳澗、晚香吹敗荷笑
蹲斷碣踞躐足醉看微潮潏潏渦客披羽衣吹玉
笛纖雲不動凝秋河襟懷曠朗發清響肯教噩夢
縈檀羅霸國猛士盡消歇離、荒草埋銅駝羽聲
變徵笛入破江湖寂寞驚蛟蛇揮手敬謝人事束
陋彼小兒巢雞窠古廟陔陟瞿雲卧佞佛久已唾
二何勝人持火照題壁金剛努目尔勿呵

戲和盧德裕咏物

縵山消息白雲深，獨散幽絃對舞禽。
塵世不於毛羽貴，高標豈有稻梁心。
露零宵警松濤急，霜冷秋棲竹影森。
他日使君吟蜀道，素衣飄拂伴囊琴。
鶴

南園草綠故飛、度水穿花事已非。
莊叟相違終是夢，魏郎輕薄不勝衣。
春酣粉膩迎風舞，曉蕊花香帶露歸。
為問韓憑今在否，青陵臺畔路依稀。
蝶

風流誰認舊烏衣，幾度飄零白版扉。
春雨綠楊成小住，秋山紅葉夢將歸。
傍誰門戶營巢去，獨自池塘傾影飛。
可許一枝栖上苑，玉堂珠樹夢依、燕

秋陽如燠復如焚，咽露玄蟬處、聞鎮日苦吟差。

似我一生清節最憐君。託身本自依高樹，息影端
應戀暮雲。驀憶隋隄官柳下，征鞍曉月共誰分。蟬
爰、無計脫虞衡。空憶寒岡掌樣平。珠箔花籠邀
一盼。見歐陽公澶州詩 瑤宮桂影夢三生。搜羅未許遺東
郭。苗裔無辨管城作傳。重煩韓吏部。中山明德
舊蜚聲。免

不隨彩鳳逐雲徂。却愛癭頭狎鴈奴。戢羽禪枝應
怖月。寄人籬落不驚葦。數繫書鄉國。凌霄去得食階
除。握粟呼西望。花封索遠夢。肯啣芳訊到來無。鷓鴣

秋日旋里門寄紫坪杭州

三迳歸來碧草鮮一尊獨自醉籬邊
南舡北馬紛何事孤負黃花又一年

遲紫坪

小酌深杯酒迢一別思牽遙知對床客已放過江
舡眠食情何限湖山興自偏段家橋畔路吾亦夢
淪漣

祥素雲入都以詩留別次韻奉贈

彼美抱殊獨論詩窮理趣暇日盛文譙含毫對庭
樹清逾叔寶姿秀奪惠連句何當賦驪歌旂亭感
風露新唱鬱離情深心託竹素寒雲天際飛遙睇

燕山路

歲晚喜蔣春農至淮上

冷雨泥危約烟滕飛夕嵐爲訪同門友褰衣叩名
藍小樓近佛屋華鍾聞暮叅停雲感離索盈歲情
空含執手語喁于玉屑霏清談我本邱壑士瑟縮
如眠蚕君乃青雲侶風雪停征驂費心在霄漢孤
懷誰與探深情良不數太息臨寒潭

題紫坪聽潮集

津亭卸帆後聯坐話更深倚醉聞吳咏開函動越
吟江山餘勝蹟唱嘆有遺音十載錢唐夢臨文思

不禁

送五變亭太守觀察河東

漢詔稱共治唯良二千石付託重股肱臨軒親遣
策銀章銅虎符彤幘熊首軾擢或典樞机賜每榮
綏烏匪以邀華寵寔膺親民責次公拜潁川闌闌
滋封殖懿彼任武威費舍聲修飭讀史懷曩烈遺
徽擢篇籍所居民樂康所去民思憶堂、長白公
聲華久赫奕粉署昔翔翔都江咏膏澤休哉茂績
彰吏治越古昔馳馬涖長淮朱轡荷殊錫維淮故
澤國沮洳土田瘠魚沫方薦飢鴻哀苦蕩折頰歲

虞城京比戶困朝夕我公下車初沉憂耿不釋乃
身切痼瘕由已思飢溺飛章達大府溝遂其成畫
瀦蓄環金隄疎通除地功污澤無壘沉墳原失龜
圻期年報政成瘡痍睹起色池濡潤輟鱗樹集飄
風翼行者歸故廬居者慶安宅烟火晝喧闐雞犬
夜寧聞鼓舞遍郊墟謳謠達衢陌百度以次修更
起黉宮後慨茲觀禮地榛蕪歲逾百垣棟骨替傾
窳衛多墊側我公瞻拜時中懷時惻、開誠諭部
民設策輸衆力制度詳梓陶辛勤惜旣甌檣星窺
窳窳琉璃燦金碧壁沼環雕欄奎宮飾瓊玦功芹藻

澄清流松柏蔭嘉植公餘名諸生嚴程勉訓迪和
氣藹官齋春風被誨席屈指二載中經緯著殊蹟
樂育在膠庠阜安在兆億眾利次第興百弊因時
革為政識大體六邑資表式治行符漢京盛業光
史冊 天子褒循良詔書增爵秩作牧表外臺持
節專方域河東古巖疆上黨天下脊雄鎮肅轅鈴
邊牆靖霜鏑軍民資撫綏官吏重考覈啣命馳前
駟春風轉畫鷁僕也本州民惶悌銘胸臆昔逢五
馬臨今悵設旌隔來暮方有歌去思忽云積鏤筆
抒離情傲詩謳令德

春來屢擬武林之遊輒為事阻二月三日
偕舍弟紫坪登舟王大笠塘走送河干口

吟四十字即用其韵賦別並荅同社諸子

又作叩門別褰衣偕邨君扁舟何處去江上萬重
雲風笛聲偏急旂亭酒易醺為君遲解纜隄柳帶
斜暎

與李六滋園夜話

訪友來江上蘭陵一繫舟故人憐舊雨永夕話春
愁為我藏羅酒累君典故裛天涯勞悵望遥指百

花洲

今兄敦復
作率南昌

西山道士館

支藤過鶴柴石室訪仙都
筦有賢人酒香燒姪女
爐孤吟聞木客息影爰山癯
彷彿登嵩少誰尋九節蒲

靈巖山頂觀霧

一別靈巖山屈指三歲餘
昔遊際秋晚今方朱夏
初朝來雨翻盆遙天藏金烏
松巔瀉飛瀑萬壑紛
跳珠瀆史雨脚止乘興登藍輿
高峯迷路絕雲陣
時與俱烟樹撲濛淞樓閣凌清
虛峯尖秃不銳那
復窺浮圖但聞走霹靂
嬰兒啼呱呱俯瞰兩洞庭

千里白模糊攀枯一不戒何處尋故吾陰陽乍開
闕神變安可摸豈有蛟蜃幻或者潭龍嗟山僧盡
詫誇對客頻咨吁自謂四十載此景過來無久坐
失昏旦歸路迷僕夫

寒山

峻嶒踏山骨曲磴達禪扉雨急溪聲亂嵐深樹影
微雲中層閣隱竹外一僧歸何處空、谷瑩荒碧
草肥

趙凡夫隱居處舊有何義
門先生題額今不復見

杭州春望

大觀臺上豁吟眸鳳舞龍飛幾度秋烟月易催詞

客老湖山都藉古人留水連吳苑濤聲壯雲去金陵王氣收雄麗東南誇鼎立居然形勝帝王州誰從欲界識仙都金碧山川似画图三月鶯花迷闌苑萬家樓閣敞雲衢一條江割東西浙十里隄分內外湖滿耳春禽作春弄敲敲喚客勸提壺

寓樓望湖上山色次紫坪韻

小閣枕山椒窻開松嶺右凭欄一以眺四面落靈鷲峯青遠若浮山綠淨可漱暗嵐胃朝出春陰滃夕岫松篁夢不多苔蘚蝕如繡坐久意彌靜悠然息聲臭有時愜微吟拄頰忘清晝

齊息軒宗伯目力最勝夏日居萬松山每
見雲起必牽一縷如絲繫於山巔踪跡之
得石數枚有反文印之成書畫久而漸多
遂作為譜復用東坡石鼓韻題長歌一篇
劉繩菴杭堇浦兩先生首出和章趙石函
方立亭程存齋及弟紫坪亦皆繼作今春
至武林宗伯屬題亦賦一首

三月既望日在丑入山獨訪杜陵叟執經願逐彭
戴遊登門忽作籍湜走賤子半生俗在骨先生一
見笑開口相將促膝話從前細數離悰自別後手

出珣玕累有千目，睚眦盡忘其九。或如支離五粒，
松或如臃腫十圍。柳宛委或如夏后碑，破碎或如
亞父斗。自謂青山雲蓋胸，不羨黃金印繫肘。扶拾
如從沙揀金，搜剔如妨苗亂莠。苔花千載繡山靈，
松嶺三年契石友。宗伯詩云：譜漫乙亥至小枝寧
誇虫蝕書，壯夫恥効席。初穀幾疑入水，呈龍龜不
須破壁抄蚪蚪。天剗斷、屬巨靈怪事吐、驚者
耆先生。生本具慧眼，徃、雲砂隨指啖。每逢出岫
垂車輪，便教蠟屐携尊旨。凝眸高矚向烟霄，回睨
旁觀盡朦朧。乍看千葉散芙蓉，倏飄一髮懸峭嶮。

尋蹤直上峯頂高，鑿險終鍊石皮厚。金翅破處露
纍、鴻寶携來讀某、茲事從來想絕無。聞言那
不驚，頗有傳觀一似魚。得珠狂喜爭同囚，脫扭世
上兒曹盡葉龍。近今書手同瓦狗，真儒居處亦精
靈。天文隱現信非偶，新語傳聞十二州。好詩裛集
三千首，南宮之袖不勝藏。青石之根急須拈，會向
嚴陵去趣書。莫教豪客來爭取。講屬方蘇臺結書
載未歸又為劉
絕菴司農撰
取數十枚才劣誰憐覓句難，詩成莫滌多生垢。
摩挲空作三宿憇，惆悵難為期月守。稽留山閣知
緣深，坐對春風慚學朽。何時負笈歸天台，日餐雲

母杖靈壽

予繪天台採藥圖先生為題
樂府六解又惠藤杖一枝

吳山懷古

金虎挺穴勢獠獨斗牛王氣掃樓槍銅九智破中
朝鬼鉄券書頌異姓王潮落龍腥愁勁勢雲封馬
鬣仰靈光表忠舊觀崔嵬在忠孝文應萬古藏
偏安一角類南朝破碎江山泣黍苗鳳嶺仄飛羅
綺盡龍沙泪落夢魂遙三千毳帳雲連幕十萬貔
貅海不潮立馬吳峯終有恨詞人一曲怨難銷

南屏訪熒虛上人

獨拄桃枝杖來尋柏子庵
隔林聞曉磬覓徑破春

嵐松尾留清話蒲團試小叅此中難着語欲問老

瞿曇

永明于此山著宗鏡錄後人殊有異議

恒公方丈食笋

枯竹引山泉宛轉流香厨長鏹劇猫頭晶瑩雪不
如層、剥香籜存液鏹其膚松枝慎火候盛以青
玉盃入口絕纖滓清柔經久咀細論色香味此君
三者俱俗腸頰芳潔舉體凌清虛佐以聲聞酒不
飽寧非愚彼哉老佛印而乃工燒豬

月下步至聖因寺後山

朦朧烟外響蒲窠有客寒裳興獨豪拍手高吟清

似鶴攀蘿直上搜，于孫青連佛閣春。燈暗紅近宮
墻，夜月高大好亭臺。迤一，到翠螺隱、憂松濤。

雲栖

路出錢江澗，五雲列屏幃。徑轉入層嶽，垠嶠青相
向。寺隱綠蘿深，身到碧雲上。樹色何繡縠，泉流自
澗。澗四圍檀檠聲蕭蕭，吹竹浪遠峯雲外。綠巖作
佛髻，狀梵唱出林表。午叅知未放，蓮公好家法。峯
凹弔古壙，矯首入山堂。肯負青藤杖。

登雲栖寺後諸山

雲堂飯初罷，振衣興超越。取徑入山腹，危巖彌嵒
帶。

嶮高峯歷我顛仰望路疑絕峯迴硤角轉移趾懼
蹉跌危仄或如墜懸厓或如折蹲如蛟兕異奔如
狡狴渴曲磴纍萬千而無一笏濶有時兩壁峙一
綫穿其穴霧重午陰寒泉噴石背滑菱葑烟樹中
林巒互輳葛緹幽若井處忽而一旦豁孤亭矗天
外行人出木末舉頭天門通抉背飛鳥沒胸無芥
蒂存目似金篦刮佛眉青未了嵐光排寺閤

步行至理安寺經九溪十八澗過滿家衝
踰嶺登南高峯

背笠陟嶙峋香風吹縹緲言尋紫栢庵數里穿綠

孫拾級空王宮，竒峰四回抱。有如萬芙蓉，青、互
縈繞。小憇不能留，輕身下雲表。

泉聲送遊客，一路聞琤琮。涓、漱寒玉冷、和礪
松文鱗，細可數。翠羽時一遶，彎環十餘里處、危
約通時有採樵人，濯足坐榛叢。

山行曲復曲，窄徑迴千盤。其上覆峻嶺，其下環清
湍。經過十八礪，一步一回看。森、筌激虛籟，松栝橫
春密。溪嵐接山翠，侵我膚髮寒。蟻旋上絕嶽，峭立
青巔。屹

緩步楊梅嶺行、待我僕從倚藤花。陰修枝上檐

曲微聞焙茶香青烟出板屋東陽有佳人袖籠春
山麓碧雲日暮凝無言背脩竹武林好春色誰知
在幽谷

蹒跚復蹒跚直上窺鳥背平生負濟勝而亦作此
態崔、南高峯衆山如蒂芥夕暉射浮圖影落重
城外俯視浙東西錢江一線界誰為假羽翼飛升
吸仙瀝

鳳山奇石歌

嶮、巖、山之巔蜿、蜒、騰以騫聲、確、覓
微、窅、兀、蹲我前五丁好奇美狡獪斧痕千

載缺如齧弩張箭簇怒相向巔而為凹壘為凸土
花繡蝕蝸涎交此石不爛經幾朝射之飲羽鞭出
血山圍故國空周遭石兮不能言我來感不已六
陵樹色春蕭條此是南朝舊宮裡美人鐘鼓散如
烟鳳皇飛去啼杜鵑宮草宮花更何處牧兒石畔
尋花鈿

岳鄂王墓

忠魂奕、儼如臨長拜佳城檜柏森誰遣衣冠埋
此地直留英爽到於今神人並痛班師詔君相原
明報國心野草殘碑俱起敬不須奸魄鑄烏金

龍沙萬里泣銅駝誰飲白奴血似河邊月陣雲空
有恨卧薪嘗胆竟如何虺蛇自養心中疾羸虎愁
回塞上戈十九年真堪痛哭南枝千載蝕蒼蘿三
句用武穆
詞中語意

冷泉亭

琴絃瀉山溜鏡影澄風潭花落石不語山意君須
參

天風冷、吹悠然欲遺世不飲自忘言何處着一
字

無心常漱石隨意自縈莎不少清涼境其如熱客

多

韶光庵

曲廊覓行逕出寺即入寺
枯竹聲冷、綠山高下
置簣簞千萬个清音落天際
如聞海潮音又似龍
鳳吹浪疑風雨聲夜半合
偈至千尺抽瑤簦十里
滴寒翠絕頂尋泉源
跳沫濺袂且住金魚池
悠然契初地

金魚池

偶為聽經出萍香任衆
煦一泓豈不廣終是憶江
湖

同方五立亭第紫坪登北高峯絕頂

遊山願力真涉險心不悸登頓出松顛攀援入雲
際天風飄、吹鬚眉撲山翠絕頂立孤圓直上抉
瘦背海日與江湖青蒼迷一氣西湖若盃盞吳山
失埤堦會有雲外笙欲摘月中桂舉手排闥闔直
欲飛而至二子盍歸去吾留將謁帝雲卧與風食
久當生肉翅

南宋故宮

春山草綠走麇霞宮樹無人晚噪鴉只有松岡舊
時月春來猶照內人斜

彩雲吹散委輕塵，牧唱樵歌草不春。
夜半子規啼血處，泣風泣露有青燐。

遊汪氏小有天園

背峰緣壑構幽居，曲檻斜廊百疊紆。
風鼓松濤鳴屋角，雨飛山翠撲庭隅。
琴臺石碎南宮字，畫幃香銷北苑圖。
珍重奎章龍鳳彩，此中應有列仙儒。

西湖竹枝同方立亭徐樂只紫坪酒間作

今日東風大放顛，吹開湖北湖南舡。
艤傍湖心亭子望，桃花含雨柳含烟。

初暎林外掛銅鉦，滿耳幽禽弄曉晴。
紅杏家、宜

早燕綠楊樹、屬流鶯

鏡面湖光熨貼平揚舠擊汰破空明游鱗碧草細
可數倒影青山畫不成

黛色嵐光三面環濃青火綠堆烟鬟莫將得意誇

洪谷

趙子固
遊孤山語

小李將軍着色山

白堤蘇隄駐籃筍內湖外湖蕩輕橈紅裙族、湖
山寺拔舵重遊第四橋

林樹青紅近百年樓臺金碧高千尺山川滿目盡
新裝一箇雷峯足古色

我與山靈曾有約每思江上乘吳艘今日湖風吹

酒醒十年積念一朝降

繫舫踏歌明月來尊前不醉不教回兩般未識西湖處六月荷花十月梅

懷家兄自堂客遊甬上

君去遊龍洞登臨正暮春我來經鳳嶺迨感蕭
晨風雨索遙思閔梁怯病身耦僻有留有蘇道
南貧

與方蘇臺立亭恭壽弟紫坪山中夜話次
紫坪韻

兩姓好兄弟山樓數夕晨平生鄙章句偶爾作詩

人謖、松鳴籟青、竹有筠此中饒古意不受九
衢塵

七錄齋詩鈔卷七

山陽阮葵生吾山

弔于忠肅公墓

甲光鱗、白日慘、土木之變人喪胆、舉朝頭縮、占
天星力排眾議、公獨敢根本一動、大勢去、言南遷
者、吾當斬、此是乾坤何等時、安危乃以一身支、威
行片紙、出軍府千里、萬里風霆馳、摧殘大敵、定社
稷、金甌無缺、天子歸、天子歸來、羣小慙亨等意耳
辨奚益、不惜身隨天柱傾、自有奇勛、貫金石、嗚呼
先帝知其枉、朕心憐其忠、崇祠業、銘旌功、祇今

穹碑蝕殘龍鳳字猶來披榛剝蘚尋幽宮三台山

下悲風起翁仲無言石麟峙回首棲鴉一樣冤岳

湖南湖北風烟昏憲宗祭公文云當國家之多難

為權奸所並煥在先帝已知其枉而朕心寔憐其忠云云天下傳誦

虎跑寺飲泉

荒碑甲子磷猶認元和字聞有大辨才開山著神

異靈蹟空千年沙彌說遺事我偶入山來欲識在

山味一盞趙州茶清風落松吹

山下觀流泉

山上涓涓溜縈沙瀉曲岡從來聲不斷此去意何

忙

龍井道中

画眉啼遍古松岡，猶竹牽蘿便作牆。
行盡紫雲山下路，晚風吹送焙茶香。

渡錢江之西興

之字江邊縱櫂回，夕陽峰外殷輕雷。
江豚拜浪風初起，海燕啣泥雨欲來。
窄徑低枝防筭笠，長亭野店貫松醅。
經過不少勾留處，林際輕黃熟早梅。

蕭山舟中

櫓聲出東郭，夾岸綠春蕪。
樓小垂簾過，帘飄待客

沽湘湖蓴葉滑漁浦浪花森高士懷王許風流今

已無

唐人過

蕭山詩漁浦浪花

西陵水色入秋窻

禹陵

蒼嵐百疊護屏藩蔓壑枝峯手自攀呼吸九霄通
帝座雲烟千載簇神閔刑塘尚有威靈在寢殿都
歸想像間見說祇今風雨後猶聞劍佩響空山

由鏡湖之快閣用放翁思鏡湖韵

昔歲曾睹鑑湖圖今朝身到方回湖此湖自落放
翁手迄今猶有詩人廬蘭渚梅市遠映帶魚莊蟬
舍充官租快閣亭、出修竹挈舟曲、綠菰蒲夏

雨欲來水雲黑秋風初起山楓赤壺觴詩卷載扁
舟想見翁時乘醉出吁嗟千載名不如一杯酒世
上浮雲任卷舒湖中生計足蓮藕誰贈買山十萬
錢狂吟鼓腹空便、溪山信美非吾土可惜過眼
如雲烟

同紫坪遊阮家山村舍作

垂楊夾岸綠陰環繫舫經行路幾彎一曲巧分丁
字水數峯濃壓米家山金庭石室勞追想漫叟
公足往還何日蓋頭謀一把道南道北任躋攀
松棚竹屋護籬笆斜挿青旂酒易賒白木鐮鋤園

上筍青瓷甌泛雨前茶清遊畢竟宜吾輩禮法漫
來恕我家便與村人同醅酌他時直作里門誇

馬公繇祠

東京賢太守善政每平反手築長湖堰躬平怒浪
喧千秋仍廟食當日痛疴論太息丁陽九深沈萬
古寬

苧蘿村

溪上苔猶綠村前水自香美人何處是終古怨興
亡春夢悲吳館輕塵委越航碧雲凝日暮怡悵月
昏黃

帶徐文長故宅

曾讀天池詩一卷教人疑病復疑顛忽從江上尋
遺宅欲向樓頭喚謫仙君是怪魁差不朽我緣癡
絕轉相憐夕陽門巷迷衰草遮莫吟魂動暝烟

遊蘭亭雜詩

言訪山陰山雨後如新沐青鞋踏巖根路隨山勢
曲尋邱不覺遙翠靚紛滿目俯拾春山嵐仰飲春
山綠移境易形容一步一回瞻

納納山下路藹藹山上雲人行空翠中屐齒穿苔
痕社鷓紅欲然烟蘿綠可捫微風吹我襟鼻觀聞

芳芬駐足契妙香懷抱清煩喧

曲水瀉雙澗一彎環庭階石于壘齒齒琤琮鳴蒼
崖風篁修於杖露草小於敦臨流磬一葦俯仰心
悠哉古迹不可求好事皆後來

廉利水中石參差立沙際涓涓泉溜鳴瑩瑩石紋
細翠色浸蘊^流蔘遠香送蘭蕙溪草清以幽青青襲
衣袂

過江富清言名士偶修禊少長列次坐聊為洛濱
戲一咏復一觴風日自和惠竹樹資吟謠雲山藉
點綴當時四十賢懷抱千秋寄光景良不殊風流

若爲繼

路出籠鶯館樹石含清華沙泉九曲響粉箨千竿
斜中有洗研池沉澗圓籬笆紅鶯拍拍戲將子浮
清涯

馳暉不可迴夕陽下平野歸途復微雨春衫足飄
洒步屨之寶林右暉避小憇坐山房對景不能賦
留待後來者

遊天章寺

髻綠眉青簇簇排水皮石骨繡蒼苔一枝竹杖一
雙屐踏遍通崇山峻嶺來

韞紋波動漾清漪綠滿春塍覓逕微萋秀瓜生好
天氣水田十里學僧衣
風篁霧縠影珊珊一架藤花聚曉烟小院綠陰吹
不散果然佳處合參禪

卧龍山望海亭

依山闢州宅仙吏住蓬瀛椽栗垂簷重松篁拂檻
清行來當日夕立處與雲平亭子凌空濶三山指
玉京

挽施上白

燕市一爲別浮雲各自憐知君吟古調十載坐寒

瓊淚落蕉隍夢魂悽絮雨天熱風遲五兩遺恨香

重泉

上白工樂府五言詩先
月卒於會稽學署

山陰道上口吟絕句

鴨頭綠水春初足驢背青山畫不如忙殺遊人難
應接溪嵐松翠滿衣裾

滿山松竹畫眉啼一路泉聲漱玉隄他日買山何
處好鏡湖南北剡東西

別余明經崇先

吾弟言君久相逢快決旬名區頻戲集學海得經
神風雨能留客湖山苦泥人五雲門脚雷外路欲

別更逡巡

崇先 還

萬松岡獨步

披衣岡上行烟外日沉閣獨立不逢人微聞松子落

贈方五

身長九尺瘦如鶴健筆一枝昂可扛今日風塵腹劍合十年豪氣爲君降

松岡留別方蘇臺立亭恭壽金懷玉徐樂只查茂蔭諸子

餘航三月住衿袖縈春嵐坐眠山中閣魂夢餘清

酣此邦盛文彥講肆初盍簪
亭亭諸君子麗藻雄
東南明湖泛烏榜玉屑聆清譚
桃源難久駐蔗境
餘回甘江風催解纜欲別情
空含雲木秀暹嶽烟
水懷澄潭何當蠟屐拄策重
幽探

石門道中

小艇衝魚蕩江城入望低
水邊橫斷約桑外立斜
梯酒幔飄飄引春禽
故故啼桔槔聲特苦
悵望夕陽西

鴛湖晚眺

吳蓮片片貼波斜
少伯湖邊問酒家
夕日欲沉霞

散綺晚風初起浪噴花綠楊陰外漁叔網紅藕香
中女浣紗那得落帆三過此一樓烟雨夜煎茶

採桑曲

左提青絲籠右把桂枝鉤誰家女兒好身手採桑
獨向南陌頭今年桑葉青且柔天公似憐女兒愁
願天不風亦不雨提筐出門良不苦願天不暖亦
不寒三眠已過蠶上山上山鴝鵒浴盤盂閉門軋
軋響縑車賣絲完官租賣繭償私逋但得官租私
逋兩無負那惜亂頭粗服園中走

平望

驚脰湖邊夕照昏
殘策破網曝蓬門
經過易識吳江路
十里柔桑水抱村

歸舟至吳江夜泊

江城漏初下
夾岸起吳謳
燈影明蠶屋
鐘聲出梵樓
去來同社燕
出處笑蝸牛
誰與題三過
還應咏四愁

與曹近薇夜話

紅鐙背遙夜
無寐擁青衾
不覺清談久
都忘夕漏深
塵埃憐短鬢
爾我惜知音
遊跡同漂梗
春來各滯淫

吳門雜咏

春老江南客未歸，殘衫又逐晚風吹。
江城畫閣重來路，細雨輕寒獨醉時。
昔夢已迷青雀舫，遠心長縮綠楊絲。
無情便遣東皇去，惱亂才人絕妙詞。
張南吳企晉趙昇之邀吳下詩人在鮑菴彭訪濂亦于為送春之會前六十年已卯尤悔菴彭訪濂亦于此地集同社作送春詩

石丈高齋住，決自清遊幾度。泛金尊，何人更識吳門卒。
此日難尋角里村，只合買山尋竺塢底。須快目挂東門，春來虛作漁洋夢。
玉柱銀房，望眼昏三曹近。嶽約為洞庭之遊，旋為事阻昔新城尚。蓄愛洞庭山色，自號漁洋山人。實未至其地也。志菴先生

嚙以詩云

曾見漁洋樹色無

十載經過鬢欲星五子甲戌後春山不改舊時青寺

空虎蹟無雲氣潮落魚腸有血腥香市幾人歌宛

轉屏廊終古惜娉婷玉蘭房畔閒高會墨瀟淋淋

蘸紫屏

虎印後山玉蘭宋代花石網中物也今年花開時彭芝庭司馬邀同沈歸愚尚書參

南厓太史家叔父菴村先生西山僧某謙賞竟日歸名賦長歌一篇

吳中風雅寄情深家寫春山和苔吟高士風懷甘

鹿柴詩人名姓重雞林座中客盡談新語弦外誰

能寄賞音甫里祠邊好山色清歌一曲和幽禽吳中

王存素直按石谷董東山少宰以千金邀之不赴又外洋舟至携其國人與歸愚先生論詩書萬

餘字皆吳
中新語也

渡江

天風吹浪折沙洲望裡金焦左右浮
萬里乾坤雙短鬢百年身世一扁舟
天邊雲路鷓鴣運檻外江聲日夜流
欲振羽翰凌絕頂蒼波渺渺隔丹邱

南莊雜咏

浪聲淘盡大河東十畝之間一徑通
絕少人來深巷外經時門掩落花中
閒抄畫篋防微雨高啟雕窻待景風
欲賦小園無綺思頭銜只合署愚公
葯圃飛香透綺䟽小闌干外繞清渠
諷花每逐君

臣蟻落網頻收婢妾魚紅苻波中時引棹翠微亭
畔自攤書蘧廬也作吾廬愛竄得深山木石居

長日低頭等寄簪昆刀久已失芒鋸十年咕嗶凋
青鬢萬事膏騰付黑甜面目自慚平叔粉文章誰
許曲江縑破除結習原難盡獨戀床頭甲乙籤

海山縹緲隔蒼烟豈有詩人兜率天獨抱朱絃彈
絕調誰將錦瑟怨華年任教靈運先成佛不羨王
孫早得仙合眼華胥尋我法南窓打睡北窓眠

破紙堆邊自苦吟冥心久已忘飛沉功名豈少逢
年穀世路原多乞巧鍼不必撐腸窺二酉也應捫

腹辨三千莫誇柳苑嫌樽散齊物蒙莊義最深
皂囊拋去罷窺園身外茫茫任糾紛此日難吟無
鬼論平生耻作送窮文狂哦句每嘲辛叟憶遠詩
惟寄卯君記得吳山最高頂一時才氣擅風雲
太始元音足唱酬漢謠魏什盡雕搜即看風雅千
秋事誰並江河萬古流謾詡陵苔菓翡翠誰將禿
筆掃驕驕茫茫涇渭勞疏鑿滄海迴瀾障十州
山園岑寂掩荆籬光景流連十二時流水有情終
到海殘花無力竟辭枝看人啼笑終何益與我周
旋更不疑獨向南村容賃廡此中難與素心期

金曉堂檢討寓中哭張雪田夫子

縞綦偶爾聚吟壇
話到師門欲廢餐
塵海十年魂夢隔
荒江一哭夜燈殘
酒難裁痛先成醉
曲為知音欲罷彈
回首漢江雲渺渺
臨觴莫怪泪沈瀾

南 遲紫坪來歸

目斷西陵積霽遙
遊裝九月尚留連
真成湖上烟波客
苦戀江南橘柚天
別圓經時無客到
小樓遲爾對床眠
清霜一度寒初劇
未省秋衣疊楚綿

哀寶林自江上寓書來賦長歌寄予與紫坪山夫南生追叙昔年兩家兄弟秋帆倡

和之事感賦二首即以代書

木葉頻教憶遠程
素心空對暮雲停
關河瀕洞愁如海
身世蹉跎髻欲星
千里感君同骨肉
十年怪我尚飄零
此情欲寄琴臺月
目斷千峰鳥外青

清歌一曲豁吟眸
累幅纏綿語舊游
季子一家如

拔宅

山夫之官
南生客遊

浙東惠連頻歲賦登樓

紫坪連年
客杭州

當時作達人爭笑
今日緘詩我欲愁
江北江南蘭芷暮
騷人哀怨正悲秋

晚秋村外即事

風捲長空葉葉雲
聲飄砑板隔村聞
牛眠處處秋

滕熟虎落家家夕照隳醉傍黃花陶靖節吟成紅
樹杜司勳平生苦愛田家咏二頃終須學耦耜

樓居

滿耳刁騷愴客情藥爐禪榻靖心兵樓憑木末窻
偏囧客到秋深夢亦清殘葉紛翻辭樹落飛鴻嘹
啞曳風鳴多愁誰識廬陵老不賦秋光只賦聲

別楊子

皎皎雲間鶴翩翩海上鴻所思各有向所向良不
同江南避矰繳垂翅忽相逢相逢復相憐和鳴何
唯唯日月既以易飲啄時相從此無稻梁志彼有

雲水踪振翮亂浮雲接翼凌天風此意兩無斁此
遇信天工寒飈膠巨壑朔雪零千峯鴻兮意方北
鶴迹亦欲東江南不久留欲去心忡忡奮飛苦不
能息羽精誠通兩心矢不移寥寥六合中

和周石帆先生春咏二首

芳景迢迢染燒痕一年一度送柴門青連舊選風
初暖綠到文窓日正暄有伴出郊迷小隊誰家藉
地倒芳樽更憐一道裙腰暗香草離愁未敢言草
幽谷風和暖乍生春鶯幾度弄春晴輕梢瞥見花
間影圓轉時聞柳外聲翠羽自尋芳選掠金衣低

拂畫樓輕嬌啼莫向豪家去曉日紅窓夢易驚

題顧息存先生四箴冊子

顧公學道人渾然抱元氣夙欽孔孟言頗負經世志廿載立朝常言論仰風誼一編手示余卓爾見真諦會心揭四箴娓娓達精義功密語則深理足詞不費積久得貫通宅心愈醇粹良足尋顏樂便欲參孔思憶昔童幼時讀書貪強記載繹元公訓凜凜恐失墜汲古愧修綆廓清艱武事學海嘆迷津爲山未一篲把卷徒悲傷歲月浮雲逝從公問夷途俾我益神智請書一本副留向座右寘

題劉六松秋溪待艇圖

野塘瀟瀟西風寒秋水始波皺微瀾荻花葦葉致
蕭颯丹楓烏桕相新鮮中有高人著行脚茜衫棕
帽飄如仙舉頭意已向天外此情一往非人間欲
渡不渡且趺坐片帆隱隱搖蒲灣臨流賦詩發高
唱行到水窮心自閑便思從君刺舡去茫茫烟水
迷歸路

寄成總戎山居

辛夷花發春風香中有玉山之草堂輞水淪連足
瀟洒南垞北垞容相佯千載裴王有遺躅此地從

來堪卜築話到仙源夢欲飛
底向軟紅插雙足